

SOLICITUDE DE ADMISIÓN (PREINSCRICIÓN) E MATRÍCULA EN TITULACIÓNS CON LÍMITE DE PRAZAS EXISTENTES NAS UNIVERSIDADES DO SISTEMA UNIVERSITARIO DE GALICIA PARA O CURSO 2023/24.

(CONVOCATORIAS ORDINARIA E EXTRAORDINARIA)

A RESOLUCIÓN do 13 de febreiro de 2023, conxunta da Secretaría Xeral de Universidades e da Dirección Xeral de Ordenación e Innovación Educativa, pola que se ditan instrucións para a realización, dentro do curso 2022/23, da avaliación de bacharelato para o acceso á universidade (ABAU) para o curso 2023/24 (DOG do 1 de febreiro de 2023), establece que en Galicia as ditas probas estarán reguladas, de forma supletoria, e no que resulte compatible ca novo marco normativo, pola Orde do 24 de marzo de 2011 (DOG n° 66 do 4 de abril) pola que se regulan as probas de acceso ás ensinanzas universitarias oficiais de grao e o proceso de admisión ás tres universidades do Sistema Universitario de Galicia (SUG).

O artigo 11 da Lei 6/2013, do 13 de xuño (DOG n° 125, de 3 de xullo) do Sistema Universitario de Galicia (SUG), establece no seu punto 1 que para os efectos do ingreso nos centros universitarios, as universidades públicas integrantes do SUG constitúense nun distrito único para os estudos de Grao e Máster.

A Comisión Interuniversitaria de Galicia (CiUG), en virtude das competencias que ten atribuídas consonte ao Convenio asinado polos reitores das universidades públicas do SUG en presenza do conselleiro de Educación e Ordenación Universitaria con data 12 de marzo de 2001 e consonte ao previsto na Orde do 24 de marzo de 2011, (DOG do 4 de abril de 2011), pola que se regulan as probas de acceso ás ensinanzas universitarias oficiais de grao e o proceso de admisión ás tres universidades do sistema universitario de Galicia, resolve abrir o prazo de solicitude de admisión en titulacóns con limite de prazas do Sistema Universitario de Galicia (SUG) para o curso 2023/24, conforme ás seguintes

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



BASES:

Primeira: OBXECTO E ÁMBITO DE APLICACIÓN

O obxecto das presentes Bases é o establecemento das normas e prazos para a xestión do proceso común de admisión ás ensinanzas universitarias oficiais de Grao das universidades públicas do Sistema Universitario de Galicia (SUG).

O contido das ditas Bases será de aplicación a quen desexe iniciar estudos universitarios oficiais de Grao que se dispensan nas universidades públicas do SUG, e non pertencen aos colectivos aos que fan referencia os artigos 29 (Cambio de universidade e/ou estudos universitarios oficiais españois) e 30 (Admisión de estudantes con estudos universitarios estranxeiros) do RD 412/2014, de 6 de xuño, polo que se establece a normativa básica dos procedementos de admisión ás ensinanzas universitarias oficiais de Grao. A súa aplicación afectará, tanto aos centros propios como aos centros adscritos ás universidades públicas do SUG, agás no que afecta a admisión no Grao en Enxeñaría Mecánica dispensado no Centro Universitario da Defensa (Marín) que se rexerá polo Decreto de provisión de prazos das Forzas Armadas.

Segunda. CONVOCATORIA ORDINARIA: TIPOS DE SOLICITUDE, PRAZOS E QUEN PODE SOLICITAR

Unha vez finalizado un prazo de solicitude (ANTICIPADA, ORDINARIA OU EXTRAORDINARIA), non se poderá modificar a relación de graos solicitados nin a orde en que se fixo a solicitude. O estudantado que faga a solicitude anticipada ou ordinaria, non poderá facer unha nova solicitude na convocatoria extraordinaria.

1.- SOLICITUDE ANTICIPADA

1.1. PRAZO:

O Prazo para formalizar a Solicitude Anticipada vai do 16 de xuño o ao 30 de xuño (ata as 14:00 horas).

1.2. QUEN PODE SOLICITAR

Poderán facer a preinscrición neste prazo de Solicitude Anticipada

1) Alumnado en posesión do título de Bacharelato do sistema educativo español ou título

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



equivalente obtido en anos anteriores e coa PAU ou a ABAU aprobada, agás aqueles que se presenten á ABAU na convocatoria ordinaria de 2023.

2) Titulados/as de Formación Profesional, agás aqueles que se presenten no SUG á Parte Voluntaria da ABAU na convocatoria ordinaria de 2023.

3) Alumnado de anos anteriores en posesión do título de Bacharelato Europeo en virtude das disposicións contidas no Convenio polo que se establece o estatuto das Escalas Europeas, feito en Luxemburgo o 21 de xuño de 1994 e o alumnado que obtivera o Diploma do Bacharelato Internacional, expedido pola Organización do Bacharelato Internacional, con sede en Xenebra (Suiza), agás aqueles que se presenten á Parte Voluntaria da ABAU na convocatoria ordinaria de 2023.

4) Alumnado de anos anteriores con acreditación expedida pola UNED para acceder a las Universidades Españolas, agás aqueles que se presenten á Parte Voluntaria da ABAU na convocatoria ordinaria de 2023.

5) Alumnado procedentes de sistemas educativos estranxeiros que teñan obtido a homologación dos seus estudos ós títulos de bacharelato ou de técnico superior de formación profesional, de artes plásticas e deseño ou de técnico deportivo superior español, agás aqueles que se presenten á Parte Voluntaria da ABAU na convocatoria ordinaria de 2023.

6) Titulados/as universitarios do SUG e de Distritos de fora de Galicia de anos anteriores.

7) Alumnado que teña superadas, nunha universidade española, as probas específicas de acceso á universidade para Maiores de 25 anos.

8) Alumnado que teña superadas no SUG as probas específicas de acceso á universidade para Maiores de 45 anos.

2.- SOLICITUDE ORDINARIA:

2.1. PRAZO:

O Prazo para formalizar a solicitude vai do 22 ao 30 de xuño (ata as 14 horas).

2.2. QUEN PODE SOLICITAR

Poderán facer a preinscripción neste prazo de Solicitude Ordinaria:

1) Alumnado dos centros de Bacharelato da C.A. de Galicia ou de fóra de Galicia que aprobe a

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



ABAU na convocatoria ordinaria de 2023, soliciten ou non soliciten revisión das cualificacións obtidas na mesma.

2) Alumnado de centros de Bacharelato da C.A. de Galicia e de fora de Galicia de anos anteriores que se presente á ABAU na convocatoria ordinaria de 2023 para mellorar a súa nota de acceso, soliciten ou non soliciten revisión das cualificacións obtidas na mesma.

3) Titulados/as de Formación Profesional dos centros da C.A. de Galicia e de fora de Galicia que se presenten á ABAU na convocatoria ordinaria de 2023, soliciten ou non soliciten revisión das cualificacións obtidas.

4) Alumnado en posesión do título de Bacharelato Europeo en virtude das disposicións contidas no Convenio polo que se establece o Estatuto das Escalas Europeas, feito en Luxemburgo o 21 de xuño de 1994 e/ou alumnado que obtiveran o Diploma do Bacharelato Internacional, expedido pola Organización do Bacharelato Internacional, con sede en Xenebra (Suíza) neste curso 2022-23 ou que se presentaron a parte voluntaria da ABAU na convocatoria ordinaria de 2023.

5) Alumnado con acreditación expedida pola UNED para acceder a las Universidades Españolas, expedida este curso 2022-23 ou que se presentaron a parte voluntaria da ABAU na convocatoria ordinaria de 2023.

6) Alumnado procedentes de sistemas educativos estranxeiros que teñan obtido a homologación dos seus estudos ós títulos de bacharelato ou de técnico superior de formación profesional, de artes plásticas e deseño ou de técnico deportivo superior español este curso 2022-23 ou que se presentaron a parte voluntaria da ABAU na convocatoria ordinaria de 2023.

3.- PRAZOS ESPECIAIS DA CONVOCATORIA ORDINARIA:

3.1.- ESTUDANTES QUE ACCEDEN Á UNIVERSIDADE POLA VÍA PREVISTA NO ARTIGO 9.1.b), 9.2.b) e 9.2.c) DO RD 412/2014, DE 6 DE XUÑO

O estudiantado que acceda á universidade pola vía prevista no artigo 9.1.b), 9.2.b) e 9.2.c) do RD 412/2014, de 6 de xuño (Resolución de 10 de marzo de 2023, da Secretaría General de Universidades, pola que se publica o Acordo da Conferencia General de Política Universitaria - BOE do 29 de marzo) poderán solicitar ata o 10 de xullo (ás 14 horas).

Non obstante, as solicitudes presentadas entre os días 11 e 31 de xullo de 2023 polo estudiantado destes colectivos, que xustifiquen adecuadamente a imposibilidade de presentala

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



con anterioridade, teranse en conta, respectando os dereitos de admisión de ditos estudantes. Estes estudantes realizarán os trámites administrativos de prescrición ás ensinanzas universitarias do SUG a través dos LERDs.

3.2.- TITULADOS/AS UNIVERSITARIOS NA CONVOCATORIA DE XUÑO-XULLO DE 2023:

Poderán solicitar do 14 ao 26 de xullo.

Estes estudantes realizarán os trámites administrativos de prescrición ás ensinanzas universitarias do SUG a través dos LERDs

Terceira. CONVOCATORIA EXTRAORDINARIA: TIPOS DE SOLICITUDE, PRAZOS E QUEN PODE SOLICITAR

PRAZO:

O Prazo para formalizar a solicitude da Convocatoria Extraordinaria vai do 19 de xullo ó 21 de xullo (ata as 14 horas).

QUEN PODE SOLICITAR

Poderán facer a preinscrición neste prazo de Solicitude Extraordinaria o alumnado que estea nalgunha das seguintes situacións:

- 1) Alumnado en posesión do título de Bacharelato do sistema educativo español ou título equivalente e coa PAU ou a ABAU aprobada en convocatorias anteriores que non fixese solicitude de admisión na convocatoria ordinaria.
- 2) Alumnado dos centros de Bacharelato da C.A. de Galicia ou de fora de Galicia que aprobe a ABAU na convocatoria extraordinaria de 2023, soliciten ou non soliciten revisión das cualificacións obtidas na mesma.
- 3) Titulados/as de Formación Profesional de centros da Comunidade Autónoma de Galicia e de fóra de Galicia que non fixesen a solicitude de admisión na convocatoria ordinaria.
- 4) Alumnado en posesión do título de Bacharelato Europeo ou Diploma do Bacharelato Internacional que non fixese a solicitude de admisión na convocatoria ordinaria.
- 5) Alumnado con acreditación expedida pola UNED para acceder a las Universidades Españolas que non fixese a solicitude de admisión na convocatoria ordinaria.
- 6) Alumnado procedentes de sistemas educativos estranxeiros que teñan obtido a

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



homologación dos seus estudos ós títulos de bacharelato ou de técnico superior de formación profesional, de artes plásticas e deseño ou de técnico deportivo superior español que non fixese a solicitude de admisión na convocatoria ordinaria.

PRAZO ESPECIAL PARA O ESTUDANTADO QUE SUPERE A FASE OBRIGATORIA DA ABAU COMO CONSECUENCIA DO PROCESO DE REVISIÓN.- O estudantado que supere a fase obrigatoria da ABAU como consecuencia do proceso de revisión, poderá facer a preinscrición o 26 de xullo a través do formulario da páxina Web da CiUG.

PRAZO ESPECIAL PARA ESTUDANTES QUE SUPERAN A ABAU EN SETEMBRO OU QUE FINALIZARON FP EN DATA POSTERIOR A PREINSCRICIÓN EXTRAORDINARIA

O estudantado que aprobe a ABAU, en setembro, fora da C.A. de Galicia e os estudantes de FP que remataron os seus estudos en data posterior a preinscrición extraordinaria e ten feito o depósito do título poderá solicitar admisión nas titulacións do SUG con prazas vacantes para a convocatoria extraordinaria para as que teñan nota de admisión superior á do/a último/a alumno/a admitido/a do 22 ó 28 (ata ás 14h.) de setembro. Estes estudantes realizarán os trámites administrativos de prescrición ás ensinanzas universitarias do SUG a través dos LERDs

Cuarta. LUGAR E HORARIO

A) O estudantado da convocatoria ordinaria e extraordinaria, salvo os do apartado “3.- PRAZOS ESPECIAIS DA CONVOCATORIA ORDINARIA”, PRAZO ESPECIAL PARA O ESTUDANTADO QUE SUPERE A FASE OBRIGATORIA DA ABAU COMO CONSECUENCIA DO PROCESO DE REVISIÓN DA CONVOCATORIA EXTRAORDINARIA e os do “PRAZO ESPECIAL PARA ESTUDANTES QUE SUPERAN A ABAU EN SETEMBRO” realizarán os trámites administrativos do acceso ás ensinanzas universitarias do SUG a través da aplicación informática NERTA (www.edu.xunta.es/nerta/alumnado), aberta ata as 14:00 horas do último día de cada un dos prazos sinalados.

O alumnado que non ten os seus datos informatizados na Aplicación Informática NERTA deberán rexistrar na Aplicación os seus datos persoais e académicos, cubrir a solicitude de preinscrición coa relación priorizada de titulacións e subir á aplicación os documentos acreditativos. Poderá imprimir un xustificante da súa solicitude.

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



- B) Estudiantado do partado “3.- PRAZOS ESPECIAIS DA CONVOCATORIA ORDINARIA”.
- B.1. O estudiantado que accede pola vía do artigo 9.1.b), 9.2.b) e 9.2.c) do RD 412/2014, realizarán os trámites administrativos de prescrición ás ensinanzas universitarias do SUG a través dos LERDs.
- B.2. Os/As titulados/as na convocatoria de xuño-xullo de 2023 realizarán os trámites administrativos de prescrición ás ensinanzas universitarias do SUG a través dos LERDs.
- C) O estudiantado QUE SUPERE A FASE OBRIGATORIA DA ABAU COMO CONSECUENCIA DO PROCESO DE REVISIÓN DA CONVOCATORIA EXTRAORDINARIA e o que aprobe a ABAU, en setembro, fóra da C.A. de Galicia e os estudantes de FP que remataron os seus estudos en data posterior á preinscrición extraordinaria e ten feito o depósito do título **deberán facer a súa solicitude a través do formulario que estará dispoñible na páxina Web da CiUG:** <https://ciug.gal/gal/admission-sug> e enviarán a documentación necesaria para a preinscrición por correo electrónico á CiUG (ciug@ciug.gal)

Quinta: PROCEDEMENTO DE PREINSCRICIÓN E DOCUMENTACIÓN

1.- **O alumnado de Bacharelato** dos Centros da C.A. de Galicia coa ABAU superada **que ten os seus datos académicos informatizados na aplicación NERTA,**

- Rexistra a solicitude de preinscrición, indicando a relación priorizada de titulacións na Aplicación NERTA.

- Non ten que presentar ningunha documentación.

2.- **O alumnado de FP** dos Centros da C.A. de Galicia que se presentaron á Parte Voluntaria da ABAU e **que ten os seus datos académicos informatizados na aplicación NERTA**

- Rexistra a solicitude de preinscrición, indicando a relación priorizada de titulacións na Aplicación NERTA.

- É necesario que teña feito o abono das taxas para a expedición do título e que o centro de FP teña feito o transvase do expediente completo de Xade a Nerta.

- No caso do estudiantado de Formación Profesional DUAL pertencente a centros de Galicia que estea en disposición de acadar o título de Técnico Superior de FP, Técnico Superior de Artes Plásticas e Deseño ou Técnico Deportivo Superior ou equivalente na convocatoria

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



ordinaria do curso 2022/23, e que estea pendente de titularse por non ter finalizado algún módulo de formación en coordinación con empresas ou centros de traballo e, se é o caso, o módulo de proxecto, a súa nota de acceso será un 5,000 á que se lle sumará para a súa admisión a nota que corresponda da parte voluntaria, se é o caso. A súa admisión é provisional e queda condicionada a que acade o título na convocatoria ordinaria deste curso 2022/23, e faga o depósito do título de forma inmediata. **Este alumnado terá que facer a preinscrición no LERD.**

3.- O alumnado que **non ten os seus datos informatizados na Aplicación Informática NERTA** seguirá o seguinte procedemento:

3.1.- Rexistra os seus datos persoais e Académicos na Aplicación NERTA

3.2.- Rexistra a solicitude de preinscrición, indicando a relación priorizada de titulacións na Aplicación NERTA.

3.3.- Marca a declaración responsable de que os datos reflexados son correctos.

3.4.- Sube á Aplicación NERTA a seguinte documentación en formato PDF:

- Copia do DNI, NIE ou Pasaporte (no caso de estranxeiros/as),
- Unha copia do resto de documentación específica segundo a credencial de Acceso, que se indica a continuación.

Nota: Só no caso de resultar admitido e unha vez que formalice a matrícula, entregará a documentación orixinal ou debidamente cotexada na universidade en que se matricule.

Documentación Específica, segundo a credencial de Acceso:

a) Alumnado en posesión do título de Bacharelato do sistema educativo español ou título equivalente (Bacharelato LOE, LOXSE e anteriores ou COU) e coa PAU ou ABAU aprobada:

- Fotocopia da Tarxeta de Cualificación da PAU ou copia da Tarxeta de Cualificación da PAU co código seguro de verificación (csv).

- O alumnado con Probas de Madurez ou con Exame de Estado presentará certificación das súas notas do Bacharelato e das correspondentes á Proba de Acceso á Universidade.

- De ser o caso, documento acreditativo das cualificacións das materias da Parte Voluntaria da ABAU 2022 ou 2023.

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



b) Titulados/as de Formación Profesional:

- Certificación expedida polo centro das cualificacións obtidas nos respectivos estudos.

Nota: No caso de alumnado non pertencente ao SUG, na certificación deberán constar as cualificacións obtidas nos Módulos.

- Acreditación de ter aboadas as taxas para a expedición do título.

- De ser o caso, documento acreditativo das cualificacións das materias da Parte Voluntaria da ABAU 2022 ou 2023.

c) Alumnado en posesión do título de Bacharelato Europeo e alumnado co Diploma do Bacharelato Internacional:

- Credencial expedida pala UNED. (Esta terá validez a efectos de admisión e matrícula durante dous anos desde a data de expedición).

- De ser o caso, documento acreditativo das cualificacións das materias da Parte Voluntaria da ABAU 2022 ou 2023.

d) Alumnado de países membros da Unión Europea ou de outros países que dispoñan de Credencial da UNED:

- Credencial expedida pola UNED. (Esta terá validez a efectos de admisión e matrícula durante dous anos desde a data de expedición).

- De ser o caso, documento acreditativo das cualificacións das materias da Parte Voluntaria da ABAU 2022 ou 2023.

e) Alumnado en posesión de títulos, diplomas ou estudos homologados ao título de Bacharel do Sistema Educativo Español.

- Credencial de Homologación do título, diploma ou estudo equivalente ao título de Bacharelato ou, no seu defecto, copia da solicitude de homologación (Art. 4 do RO 412/2014).

- De ser o caso, documento acreditativo das cualificacións das materias da Parte Voluntaria da ABAU 2022 ou 2023.

Nota: No caso do alumnado que faga a súa solicitude de admisión aportando unicamente copia

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



da solicitude de homologación do título, diploma ou estudo (Art. 4 do RD 412/2014), a súa nota de acceso será un 5,000 á que se lle sumará para a súa admisión a nota que corresponda da parte voluntaria, se é o caso. A súa admisión é provisional e queda condicionada a que dita homologación sexa positiva.

f) Titulados/as universitarios:

- Certificación académica oficial das cualificacións obtidas nos estudos universitarios oficiais en base 10.

- Acreditación de ter aboadas as taxas para a expedición do título.

- No caso de titulados universitarios en centros estranxeiros (pertencentes ou non á Unión Europea), homologación ou declaración de equivalencia do título (Real Decreto 967/2014, de 21 de novembro. BOE do 22 de novembro).

- No caso de titulados que soliciten praza cun título oficial de posgrao (Máster oficial), deberán aportar ademais certificación académica oficial do título ou títulos universitarios oficiais que o faculte para o acceso aos estudos oficiais de posgrao (Máster). A súa Nota de Admisión será a media ponderada do título de Grao ou equivalente e do título de Máster, tal como se establece no Apartado III, 5.3. c) do Acordo das universidades públicas do sistema universitario de Galicia sobre os procedementos de admisión aos estudos universitarios oficiais de grao do SUG.

- No caso de solicitudes de praza de estudantes con estudos universitarios estranxeiros parciais ou totais que non obtivesen a homologación ou equivalencia dos seus títulos, diplomas ou estudos en España deberán dirixir a súa solicitude á universidade correspondente e resolveranse polo Reitor da dita Universidade, de acordo co establecido no Artigo 30 do RD 412/2014, de 6 de xuño.

g) Alumnado que superase, nunha universidade española, a proba de acceso á universidade específica para Maiores de 25 anos:

- Certificación académica oficial da cualificación obtida na proba para M25.

h) Alumnado que superase a proba de acceso específica para Maiores de 45 anos organizada pola CiUG:

- Certificación académica oficial da cualificación obtida na proba para M45.

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



NOTA IMPORTANTE

Estudantado con discapacidade: O alumnado que desexen acollerse á cota de prazas reservada para este colectivo (artigo 26 do RD 412/2014, de 6 de xuño), ademais dos documentos comúns e específicos, deberá presentar certificado de cualificación e recoñecemento do grao de discapacidade expedido polo órgano competente da Comunidade Autónoma correspondente.

Deportistas de Alto Nivel e Alto Rendemento: O alumnado que desexen acollerse á cota de prazas reservada para este colectivo, ademais dos documentos comúns e específicas, deberá presentar:

- Deportistas de Alto Nivel: copia da resolución do Secretario de Estado-Presidente do Consello Superior de Deportes que recoñeza a condición de deportista de alto nivel coa indicación do BOE na que está publicada (Artigo 3.2. do RD 971/2007, de 13 de xullo).
- Deportistas de Alto Rendemento: acreditación da cualificación de deportista de alto rendemento realizada polo Consello Superior de Deportes ou do organismo competente da Comunidade Autónoma, segundo corresponda. No caso de que non se acredite a “letra a), b), ..., g)” do Artigo 2.3. do RD 971/2007, de 13 de xullo, pola que están acreditados” consideraranse acreditados pola letra g).

Deportistas, de alto nivel e de alto rendemento deportivo, e persoas adestradoras e técnicas, xuíces e xuizas e árbitros e árbitras galegas de alto nivel deportivo: O alumnado que desexen acollerse á cota de prazas reservada para este colectivo (Decreto 165/2020 do 17 de setembro de 2020. DOG de 29 de setembro), ademais dos documentos comúns e específicas, deberá presentar o certificado expedido pola Administración Autonómica Galega indicando cal dos grupos establecidos no Artigo 22 do Decreto 165/2020 lle corresponde.

Sexta: REQUISITOS QUE DEBE REUNIR A DOCUMENTACIÓN

No momento da preinscrición subirase unha copia da documentación solicitada no lugar destinado para elo na Aplicación NERTA. Só no caso de resultar admitido e unha vez que formalice a matrícula, será necesario entregar a documentación orixinal ou debidamente cotexada na universidade en que se matricule, dentro dos prazos e lugares establecidos na convocatoria de matrícula da mesma, cumprindo os requisitos que se sinalan neste apartado.

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



Presunción de veracidade

A CiUG, unha vez pechado o prazo de preinscrición, porá a disposición de cada estudante os datos que figuran na aplicación Informática Nerta para que o estudiantado poida revisar e comunicar, no prazo de 48 horas e a través do formulario que figurará na páxina Web da CiUG, os erros que detecte nos seus datos académicos ou persoais, de forma especial na súa Nota de Acceso á Universidade ou nas notas das materias da fase voluntaria (non poderá facer modificación dos graos solicitados nin do orde dos mesmos).

Finalizado este proceso darase por pechado o proceso de rectificación de datos e non se admitirán reclamacións posteriores.

O feito de figurar na relación de admitidos non presupón que se lle recoñeza á persoa interesada a posesión dos requisitos esixidos no procedemento convocado mediante a presente convocatoria, ata que, unha vez efectuada a matrícula, se proceda pola universidade correspondente á comprobación da documentación. Esta comprobación desenvolverase ao longo de todo o curso e se da mesma se desprende que non reúne algún dos requisitos ou non cumpre os criterios establecidos, a persoa solicitante decaerá en todos os dereitos que puideran derivarse da participación neste procedemento, procedéndose á anulación da admisión, matrícula e demais actos derivados, previa Resolución notificada ao efecto.

1.- PRESENTACIÓN DE DOCUMENTACIÓN:

De conformidade co disposto no artigo 16.4 da Lei 3912015, do Procedemento Administrativo Común das Administracións Públicas, os documentos que se dirixan a esta Comisión poderán presentarse nalgún dos seguintes rexistros:

- a) Nos Rexistros xerais das tres universidades do SUG ou nos rexistros auxiliares.
- b) Nos Rexistros oficiais da Administración Xeral do Estado ou das Comunidades Autónomas.
- c) Nos rexistros de entidades que integran a Administración Local, sempre que se asinase o oportuno convenio.
- d) Nas oficinas de correos de España, na forma que regulamentariamente está establecida.
- e) Nas representacións diplomáticas ou oficinas consulares de España no estranxeiro.

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



2.- COMPULSAS OU COTEXO DE DOCUMENTOS EXPEDIDOS EN ESPAÑA: só serán válidas as compulsas que realicen os seguintes órganos ou unidades administrativas:

- a) Rexistros relacionados no punto anterior.
- b) Unidade administrativa onde se tramita o expediente.
- c) Organismo español que expediu o documento.
- d) Notarios españois.
- e) Representación diplomática española, no caso de que se presente no estranxeiro.

NOTA IMPORTANTE

- Todas as fotocopias estarán compulsadas ou cotexadas polos órganos ou unidades administrativas citadas no anterior apartado, ou deberase exhibir o orixinal destas no momento de presentación da solicitude. Este último requisito é abrigado cando se trate de fotocopias do Libro Escolar ou cando nas copias compulsadas non se identifique claramente o organismo/unidade administrativa que expide a compulsas ou o cargo, nome e apelidos de quen as asina.

- Todos os documentos deberán entregarse na universidade correspondente, dentro dos prazos e lugares establecidos na convocatoria de matrícula de cada unha das universidades.

Sétima: NORMATIVA

Na solicitude de admisión o alumnado poderá indicar, por orde de preferencia, ata cinco ensinanzas universitarias diferentes, cun máximo de dez peticións no caso de ensinanzas universitarias oficiais de grao dispensada en máis dun centro. O solicitante quedará vinculado pola orde de preferencia que estableza na súa solicitude.

É fundamental a orde de preferencia, posto que o alumno/a será admitido nunha única titulación, que será aquela de maior preferencia na que acade a nota do último alumno admitido. As titulacións solicitadas en menor preferencia a aquela na que resulte admitido quedarán liberadas e eliminaranse automaticamente da lista de espera.

Na convocatoria extraordinaria non se ofertarán as titulacións que teñan todas as prazas esgotadas pola matrícula da convocatoria ordinaria, ou aquelas nas que a CiUG, a vista da lista

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



de espera, estimase que se esgotarán todas as prazas con solicitantes da convocatoria ordinaria.

No caso dos titulados universitarios, alumnado coas Probas de Acceso á Universidade para maiores de 25 ou 45 anos superadas, haberá un único prazo de solicitude correspondente á convocatoria ordinaria.

O alumnado solicitante da cota xeral que reúnan os requisitos para solicitar pola cota de Discapacitados ou Deportistas, poderán facer uso de dita posibilidade.

1.- PRIORIDADE TEMPORAL NA ADXUDICACION

Tendo en conta a orde de prelación na adxudicación de prazas establecido no punto 6 do Capitulo III (Criterios específicos para a adxudicación de prazas nas universidades públicas do SUG) do "Acordo das universidades públicas do sistema universitario de Galicia sobre os procedementos de admisión aos estudos universitarios oficiais de grao do SUG" aprobado polos respectivos Consellos de Goberno das Universidades de Coruña, Santiago de Compostela e Vigo; as solicitudes que estean en igualdade de condicións, redondearanse en función da nota de admisión que corresponda, expresada en tres cifras decimais e redondeada á milésima mais próxima e en caso de equidistancia á superior.

Para o acceso ás titulacións con limite de prazas non existe unha nota determinada previamente (nota de corte), senón que esta depende do número de prazas existentes para a titulación, do número de solicitantes e das cualificacións que estes acaden.

Esta "nota de acceso" ou "nota de corte" correspóndese coa nota do último alumno/a admitido/a en cada titulación.

2. OFERTA E ADXUDICACIÓN DE PRAZAS E COTAS DE RESERVA POR COLECTIVOS

O total de prazas que para cada ensinanza universitaria oficial de grao rexistrada no Registro de Universidades, Centros y Títulos (RUCT) oferten as universidades do SUG repartiranse entre a Cota Xeral e as Cotas de Reserva a que se refiren os artigos do 24 ao 28 do Capitulo V do RD 412/2014, de 6 de xuño (BOE nº 138, de 7 de xuño) e o Capítulo III (Criterios específicos para a adxudicación de prazas nas universidades públicas do SUG) do "Acordo das universidades públicas do sistema universitario de Galicia sobre os procedementos de admisión aos estudos universitarios oficiais de grao do SUG" aprobado polos respectivos

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



Consellos de Goberno das Universidades de Coruña, Santiago de Compostela e Vigo.

Nas Simultaneidades de Estudos de Grao e Graos Abertos só se ofertarán prazas pola Cota Xeral e pola cota de estudantes con discapacidade.

As prazas das cotas de reserva de Deportistas e Discapacitados que non se cubran por solicitantes da Convocatoria Ordinaria ofertaranse na Convocatoria Extraordinaria.

Na Convocatoria Extraordinaria non se ofertarán prazas polas restantes cotas (Titulados, M25, M40 e M45). As prazas obxecto de reserva destas cotas que queden sen cubrir polos solicitantes da Convocatoria Ordinaria acumularanse ás ofertadas pola cota xeral.

As prazas adxudicaranse aos estudantes en base aos “Criterios específicos para a adxudicación de prazas nas Universidades públicas do SUG” (Apartado III do Acordo das universidades públicas do Sistema Universitario de Galicia sobre os procedementos de admisión aos estudos universitarios oficiais de grao do SUG.)

a) Cota Xeral:

As prazas da cota xeral adxudicaranse aos estudantes que reúnan algún dos requisitos establecidos no punto 4 dos principios xerais (Procedemento de admisión) do Acordo das universidades públicas do Sistema Universitario de Galicia sobre os procedementos de admisión aos estudos universitarios oficiais de grao do SUG, atendendo a súa Nota de Admisión.

O estudantado que pode acceder polas dúas vías (Bacharelato e FP) pode elixir a vía de acceso no momento da preinscripción. Se marca as dúas vías, a aplicación Nerta elixirá a vía que mais lle conveña para acceder.

b) Cotas de Reserva:

- Maiores de 25 anos: 2 por 100. As prazas adxudicaranse atendendo a súa Nota de Admisión, dando preferencia aos solicitantes que superaron a Proba de Acceso organizada pola CiUG. Non poderá acceder por esta cota o estudantado que poida acceder pola cota xeral ou de titulados.

- Maiores de 45 anos: 2 por 100. As prazas adxudicaranse atendendo a súa Nota de Admisión. Non poderá acceder por esta cota o estudantado que poida acceder pola cota xeral ou de

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



titulados.

- Maiores de 40 anos: 1 por 100 (só Universidade de Santiago de Compostela). As prazas adxudicaránse atendendo a súa Nota de Admisión.
- Estudantes con discapacidade: 5 por 100. As prazas adxudicaránse ao estudiantado do colectivo xeral que teña recoñecido un grao de discapacidade igual ou superior ao 33 por 100, así como para aqueles/as estudantes con necesidades educativas especiais permanentes asociadas a circunstancias persoais de discapacidade, que durante a súa escolaridade anterior precisasen de recursos e apoios para a súa plena normalización educativa, atendendo a súa Nota de Admisión.
- Deportistas de alto nivel ou de alto rendemento: 3 por 100. Nos graos en Ciencias da Actividade Física e do Deporte e en Fisioterapia terán un 8 por 100.

As prazas reservadas para este colectivo adxudicaránse tendo en consideración a preferencia dos Deportistas de Alto Nivel sobre os de Alto Rendemento e dentro destes outorgarase preferencia aos deportistas incluídos no apartado a) sobre os do b), aos do b) sobre os do c), aos do c) sobre os do d), e así sucesivamente. Dentro da mesma preferencia o criterio será a Nota de Admisión.

Os Deportistas de Alto Rendemento que xustifiquen tal condición pero que non xustifiquen no prazo establecido a “letra a), b), ..., g)” do Artigo 2.3. do RD 971/2007, de 13 de xullo, pola que están acreditados” consideraranse acreditados pola letra g).

- Deportistas, de alto nivel e de alto rendemento deportivo, e persoas adestradoras e técnicas, xuíces e xuizas e árbitros e árbitras galegas de alto nivel deportivo (Decreto 165/2020 do 17 de setembro de 2020. DOG de 29 de setembro): 2 por 100 nos graos en Ciencias da Actividade Física e do Deporte.
- Titulados universitarios: 1 por 100. As prazas adxudicaránse atendendo a súa Nota de Admisión.

O proceso de adxudicación de prazas da cota de titulados non se iniciará ata o 5º chamamento que se realizará o 28 de xullo de 2023.

Nota: Non se terán en conta as solicitudes que non entreguen a documentación indicada nos prazos establecidos.

No caso das cotas de Deportistas e Estudantes con Discapacidade, Nerta asignaralle praza

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



pola cota xeral e, no caso de que a súa cualificación non alcance para acceder, fará o acceso por esas cotas.

c) Adxudicación de Prazas nas Simultaneidades de Estudos.

No caso das Simultaneidades de Estudos (dobres graos) é necesario que a nota de admisión dos admitidos sexa superior á do/a último/a estudante matriculado/a en cada un dos graos correspondentes (notas de corte deses graos). Dado que estas notas non se coñecen ata que “pechan” eses graos, no caso de alumnos admitidos nunha simultaneidade de estudos con nota de acceso inferior a nota de corte de algún dos graos da simultaneidade, seralle anulada a matrícula no dobre grao e asignaráselle a titulación que lle corresponda en función da súa cualificación, aínda que esta xa estivera pechada.

3. PROCEDIMENTO DE MATRÍCULA

A CiUG asignará as prazas ofertadas en cada ensinanza universitaria oficial de grao en cada unha das convocatorias e prazos de matrícula que se establezan. A cada estudante asignaráselle a ensinanza universitaria de maior preferencia que lle corresponda en función da cota pola cal se solicita o acceso e tendo en conta, en todo caso, a orde de prelación, os criterios de valoración e a preferencia para a adxudicación de prazas establecidos.

Os solicitantes convocados para matricularse na ensinanza universitaria oficial de grao solicitada en primeiro lugar de preferencia, deberán matricularse no prazo establecido para o efecto; de non facelo perderán todos seus dereitos de matrícula. Enténdese por primeira preferencia aquela que o alumnado solicite en primeiro lugar, ou en lugares sucesivos se as ensinanzas universitarias solicitadas por enriba dela esgotaron as súas prazas e figuran como “PECHADA”.

Se o solicitante aparece convocado/a nunha titulación que non sexa a de primeira preferencia poderá esperar a matricularse nela (en sucesivas convocatorias) en tanto non se peche a matrícula nas titulacións solicitadas con maior preferencia se reconfirma que desexa continuar na Lista de Espera. No caso de matricularse nela, decae dos seus dereitos de continuar no proceso de ingreso en titulacións con preferencia superior.

O estudantado admitido no Grao en Xestión de Empresas Hostaleiras deberá formalizar a súa matrícula no prazo estipulado, primeiro na Universidade de Santiago de Compostela (USC) e a continuación no Centro Superior de Hostalaría de Galicia (CSHG), adscrito á USC. Para realizar a matrícula no CSHG deberá acceder a través da seguinte ligazón:

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



<https://www.cshg.gal/gl/titulacions/matricula-e-requisitos-de-acceso>

NOTA. RECONFIRMACIÓN NA LISTA DE ESPERA

Despois de cada chamamento e durante o período de matrícula, se o solicitante aparece convocado/a nunha titulación que non sexa a de primeira preferencia e desexa continuar en lista de espera en tanto non se peche a matrícula nas titulacións solicitadas con maior preferencia, deberá confirmar a través da propia aplicación informática nerta, o interese en seguir nas listaxes da CiUG (**de non confirmalo, entenderase que xa non ten interese nas titulacións solicitadas e decaerá nos seus dereitos**).

Oitava: CONVOCATORIA E PRAZOS DE MATRÍCULA

Para cada chamamento establécense dous días de matrícula (desde as 00.00h do primeiro día ata as 23.59h do segundo día de acordo co seguinte calendario:

Prazos dos Chamamentos de Matrícula nas Universidades do SUG 2023				
Convocatoria	Prazo	Data listaxe	Datas de Matrícula (*)	Mes
ORDINARIA	1º	11	12 – 14	Xullo
	2º	15	16 – 17	
	3º	19	20 – 21	
ORDINARIA E EXTRAORDINARIA	4º	24	25 – 26	Setembro
	5º	28	29 – 31	
	6º	1	2 – 4	
CONVOCATORIA VACANTES (Datos orientativas)	7º	15	16 a 18	Setembro
	8º	29	30 set. a	

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



			2 outubro	Outubro
	9º	11	12 e 13	

(*) **Nota: Os días festivos non hai soporte para resolver os problemas que poidan xurdir.**

Suxírese que se faga a matrícula no primeiro día do prazo para poder resolver calquera inconveniente. **Durante o período de matrícula, o alumnado que non se matricule, deberá confirmar o interese en seguir nas listaxes da CiUG (de non confirmalo, entenderase que xa non ten interese nas titulacións solicitadas e decaerá nos seus dereitos).**

O 7 de setembro a CiUG comunicará ás universidades a relación de titulacións con prazas vacantes e sen lista de agarda para que poidan proceder á matrícula extraordinaria nestas titulacións.

Novena. CHAMAMENTOS POR VACANTES:

Todo o estudiantado que estaba en lista de espera no momento en que pecha unha titulación, continúa nesa lista de espera.

En calquera momento do proceso a CiUG pode solicitar do estudiantado que está en lista de espera dunha titulación que confirme mediante procedementos electrónicos (correo electrónico, formulario, etc.) que, no caso de que se produzan prazas vacantes, sigue interesado en continuar na lista de espera. Para esta confirmación establecerá un prazo mínimo de 48h.

No caso de que con posterioridade ó peche da matrícula dunha titulación se produzan vacantes, serán convocados para matrícula por orde de prioridade os estudantes que continúan en lista de espera.

Os estudantes convocados recibirán unha mensaxe de correo electrónico á que deberán responder aceptando a praza no prazo de 48 horas. Se non resposta a mensaxe, entenderase que xa non ten interese na praza polo que decaerá nos seus dereitos e procederase á convocar ó seguinte na lista de espera.

Este procedemento finalizará o venres, 13 de outubro. A partir do 16 de outubro a CiUG comunicará ás universidades a situación do acceso.

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



Décima. RECLAMACIÓNS POR SUBSANACIÓN E CORRECCIÓN DE ERROS

Os solicitantes poderán presentar reclamación á súa asignación de prazas no prazo de tres días hábiles seguintes á publicación da listaxe correspondente. A reclamación, deberase facer a través do formulario que figurará na páxina Web da CiUG: <https://ciug.gal/gal/admision-sug>

A CiUG valorará a solicitude e se o considera necesario poderá solicitar documentación complementaria para a axeitada valoración da mesma.

A resolución da reclamación correspóndelle á CiUG e será asinada polo delegado do reitor da universidade en que se imparta a ensinanza universitaria obxecto da reclamación. A resolución da reclamación ponlle fin á vía administrativa. Con carácter xeral, non se producirá unha comunicación individualizada a cada reclamación. O resultado da reclamación considérase comunicado ao interesado ou interesada a través das listaxes de asignación de prazas e indicárase, se é o caso, o prazo para matricularse.

Contra a resolución poderá interpoñerse recurso potestativo de reposición no prazo de un mes perante a propia CiUG, que porá fin á vía administrativa. Neste caso non se poderá interpoñer o recurso contencioso-administrativo mentres non recaia resolución expresa ou presunta do recurso potestativo de reposición.

Undécima. RECURSOS

Contra a publicación de cada unha das listaxes de convocados (admitidos), que esgota a vía administrativa, poderá interpoñerse potestativamente recurso de reposición diante o presidente da CiUG no prazo de un mes, segundo establece a Lei 39/2015, de 1 de outubro, ou recurso contencioso-administrativo diante do Xulgado do Contencioso Administrativo, no prazo de dous meses contados desde o día seguinte á publicación das listaxes. No caso de presentar recurso contencioso-administrativo, a Administración demandada será a universidade responsable da ensinanza universitaria na que o estudante solicita o ingreso. No caso de demanda, a responsabilidade en materia de persoal corresponderá a cada universidade.

Duodécima. TITULACIÓNS DO SUG CON LÍMITE DE PRAZAS PARA O CURSO 2023-2024

No Anexo II, que se publicará na páxina Web da CiUG, figura relación de titulacións con límite de prazas existentes nas tres universidades do Sistema Universitario de Galicia (SUG) para o

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F



curso 2023-2024, con indicación do código da titulación e do número de prazas existentes en cada unha delas para a Convocatoria Ordinaria.

O Anexo II coa relación de prazas vacantes para a convocatoria Extraordinaria, publicarase na páxina Web da CiUG.

Na convocatoria extraordinaria non se ofertarán as titulacións que teñan todas as prazas esgotadas pola matrícula da convocatoria ordinaria, ou aquelas que a CiUG, a vista da lista de espera, estimase que se esgotarán todas as prazas con solicitantes da convocatoria ordinaria. Tampouco se ofertarán prazas para as cotas de titulados universitarios, M25, M40 e M45.

Ofertaranse as prazas non cubertas das cotas de Discapacitados e Deportistas. O alumnado solicitante da cota xeral que reúna os requisitos para solicitar por algunha destas dúas cotas poderá facer uso de dita posibilidade.

Santiago de Compostela, de 8 de xuño de 2022

Asdo.- Iván Area Carracedo

Presidente de la CiUG

ENCARGADOS/AS DOS LERD.

RESPONSABLES DA APLICACIÓN INFORMÁTICA NERTA.

Edificio Fontán, 1º andar. Cidade da Cultura de Galicia. Monte Gaiás s/n. 15707 Santiago de Compostela.
Telf.: 881 971006 - Correo-e: ciug@ciug.gal

CSV : GEN-6e6e-ad43-65eb-76d5-1d38-7028-cdd6-8ad9

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : IVAN CARLOS AREA CARRACEDO | FECHA : 09/06/2023 07:43 | NOTAS : F

